

**NO. SOALAN: 12**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : TUAN NGA KOR MING [ TAIPING ]**

**TARIKH : 8 MAC 2016**

**RUJUKAN : 8536**

**SOALAN:**

**Tuan Nga Kor Ming [ Taiping ] minta **MENTERI DALAM NEGERI** menyatakan secara terperinci sejak tahun 2008 sehingga kini berapakah pendatang asing yang berjaya memperoleh status pemastautin tetap atau kelayakan warganegara mengikut nama-nama negara.**

**JAWAPAN:**

**Tuan Yang di-Pertua,**

**Untuk makluman, jumlah Kad Pengenalan Pemastautin Tetap (MyPR) yang dikeluarkan kepada warga asing semenjak 2008 sehingga Februari 2016 adalah sebanyak 54,157 dan perincian penerima mengikut lima (5) negara asal tertinggi adalah seperti berikut:-**

Bil.	Negara Asal	Jumlah (Orang)
1.	Filipina	17,527
2.	Indonesia	16,731
3.	Thailand	7,222
4.	India	4,174
5.	China	837

**Perlu diberikan perhatian bahawa Kerajaan Malaysia tidak menganugerahkan kewarganegaraan Malaysia berdasarkan peratusan jumlah individu yang telah memegang MyPR. Sebaliknya, penganugerahan kewarganegaraan Malaysia adalah berdasarkan permohonan dan individu tersebut hendaklah terlebih dahulu memenuhi syarat-syarat yang ditetapkan di Bahagian III Perlembagaan Persekutuan. Seseorang yang layak memohon kewarganegaraan Malaysia perlu membuktikan telah bermastautin di Persekutuan selama 12 tahun, berkelakuan baik dan mempunyai pengetahuan dalam Bahasa Melayu.**

**Dalam hal ini, bagi menjamin keselamatan dan kesejahteraan negara, Kerajaan perlu membuat penelitian yang terperinci bagi memastikan hanya mereka yang benar-benar berkelayakan dianugerahkan kewarganegaraan Malaysia, mempunyai asimilasi yang baik dengan budaya dan penduduk tempatan, mempunyai sumbangan yang signifikan kepada negara dan menumpahkan segala taat setia kepada Seri Paduka Baginda Yang di-Pertuan Agong.**